

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
Ո Ր Ո Շ ՈՒ Մ

« » ----- - ի 2010 թվականի N - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԾԱՂԿԱԼԱՆՋԻ ԳՅՈՒՂԱԿԱՆ
ՀԱՄԱՅՆՔԻ ԱՎԱԳԱՆՈՒ ԱՆԴԱՄՆԵՐԻ ԱՐՏԱՀԵՐԹ ԸՆՏՐՈՒԹՅՈՒՆ ՆՇԱՆԱԿԵԼՈՒ,
ԱՆՑԿԱՑՆԵԼՈՒ ԵՎ
ԸՆՏՐՈՒԹՅԱՆ ՆԱԽԱՊԱՏՐԱՍՏՄԱՆ ՈՒ ԱՆՑԿԱՑՄԱՆ ԾԱԽՍԵՐԸ
ՖԻՆԱՆՍԱՎՈՐԵԼՈՒ ՄԱՍԻՆ

Հայաստանի Հանրապետության ընտրական օրենսգրքի 138-րդ և «Տեղական
ինքնակառավարման մասին» Հայաստանի Հանրապետության օրենքի 22-րդ հոդվածներին
համապատասխան՝ Հայաստանի Հանրապետության կառավարությունը **ո ր ո շ ու մ է.**

1. Սույն որոշումն ուժի մեջ մտնելու օրվան հաջորդող 30-օրյա ժամկետի վերջին
կիրակի օրը նշանակել և Հայաստանի Հանրապետության Արմավիրի մարզի Ծաղկալանջի
գյուղական համայնքի ընտրատարածքում անցկացնել գյուղական համայնքի ավագանու
անդամների արտահերթ ընտրություն:

2. Հայաստանի Հանրապետության ֆինանսների նախարարին՝ Հայաստանի Հանրա-
պետության 2010 թվականի պետական բյուջեով նախատեսված Հայաստանի Հանրա-
պետության կառավարության պահուստային ֆոնդի հաշվին 2010 թվականի առաջին
եռամսյակում՝

1) Հայաստանի Հանրապետության կենտրոնական ընտրական հանձնաժողովին
հատկացնել 507031 դրամ.

2) Հայաստանի Հանրապետության կառավարությանն առընթեր Հայաստանի Հանրա-
պետության ոստիկանությանը հատկացնել 110246 դրամ:

3. Առաջարկել Հայաստանի Հանրապետության կենտրոնական ընտրական հանձնա-
ժողովի նախագահին Հայաստանի Հանրապետության Արմավիրի մարզի Ծաղկալանջի
ընտրատարածքային և տեղամասային ընտրական հանձնաժողովների ֆինանսավորումը
կատարել նախահաշիվներին համապատասխան՝ համաձայն NN 1 և 2 հավելվածների:

4. Հայաստանի Հանրապետության կառավարությանն առընթեր Հայաստանի Հանրա-
պետության ոստիկանության պետին՝ ընտրողների ցուցակների կազմման, վարման և
ընտրողների ծանուցագրերի տպագրման, առաքման ֆինանսավորումը կատարել նախա-
հաշվին համապատասխան՝ համաձայն N 3 հավելվածի:

5. Սույն որոշումն ուժի մեջ է մտնում պաշտոնական հրապարակմանը հաջորդող
օրվանից:

Զեկուցող ՀՀ տարածքային կառավարման նախարարի առաջին տեղակալ

Վաչե Տերտերյան

ՏԵՂԵԿԱՆՔ – ՀԻՄՆԱՎՈՐՈՒՄ

Համաձայն թիվ 29 ընտրատարածքային հանձնաժողովի 2008 թվականի հոկտեմբերի 23-ի թիվ 179-Ա որոշման՝ ՀՀ Արմավիրի մարզի Ծաղկալանջի գյուղական համայնքի ավագանու օրենքով սահմանված յոթ անդամներից փաստացի ընտրվել են յոթը:

Ծաղկալանջի գյուղական համայնքի ավագանու 22.05.2009թ. թիվ 3 արձանագրության համաձայն, ավագանու անդամության հետ անհամատեղելի պաշտոն զբաղեցնելու հիմքով՝ վաղաժամկետ դադարեցվել են համայնքի ավագանու անդամ Գարիկ Գրիգորյանի լիազորությունները:

Համայնքի ավագանու 19.10.2009թ. թիվ 7 արձանագրության համաձայն՝ վաղաժամկետ դադարեցվել են համայնքի ավագանու անդամ Նորայր Մալխասյանի լիազորությունները, վերջինիս հրաժարական տալու հիմնավորմամբ:

Համայնքի ավագանու 18.01.2010թ. թիվ 2 արձանագրության համաձայն՝ վաղաժամկետ դադարեցվել են համայնքի ավագանու անդամներ Մայիս Դավթյանի և Բագրատ Վարդանյանի լիազորությունները, համապատասխանաբար՝ հրաժարական տալու և մեկ տարվա ընթացքում ավագանու նիստերի ավելի քան կեսից անհարգելի պատճառով բացակայելու հիմնավորումներով:

Վերոնշյալ հանգամանքներից ելնելով՝ անհնարին է դարձել համայնքի ավագանու հետագա նիստերի անցկացումը: «Տեղական ինքնակառավարման մասին» Հայաստանի Հանրապետության օրենքի 22-րդ հոդվածին համապատասխան՝ 2010 թվականի հունվարի 18-ին կազմվել է ավագանու լիազորությունների դադարեցման վերաբերյալ արձանագրություն, որը ՀՀ Արմավիրի մարզպետը ներկայացրել է ՀՀ տարածքային կառավարման նախարարություն:

«Հայաստանի Հանրապետության Արմավիրի մարզի Ծաղկալանջի գյուղական համայնքի ավագանու անդամների արտահերթ ընտրություն նշանակելու, անցկացնելու և ընտրության նախապատրաստման և անցկացման ծախսերը ֆինանսավորելու մասին» ՀՀ կառավարության որոշման ընդունումը պայմանավորված է համայնքի ավագանու լիազորությունների դադարեցման հանգամանքով: